

TENDAA NENSAABA ZAA YELESOOBO SOBIE MOOLOO

A YELE YUOBO

A yeli nang bebe la, ka nee zaa bang ka nengsaala emmo ane o yelsoore seng la taa a nengsaala booro poɔ; a nengsaala mengesoobo ane o yelmengɛ noba zie la binne eng-maarong ane yelmenne noba zie a tengazu.

Ka nengsaala kaa-ba-nye e ka tongfaare tong ka noba banang nang taa teerong veele nye posããna. A yele ama ee la ka nengsaala zaa nang booro bone ne ka ka bie tenga benee nengsaaba zaa nang so ba menne a yele yele zaa ba nang booro, a puoro puoru zaa ba nang booro, a ta zoro bebiri kang nang.

Ka a da sengɛɛ la ka anang ba fere nee kao e yeli nang fere o, a kũũ ne o baao poɔ ka o faa o mengɛ dɔgrong poɔ, ka ka a yelmenne tɔretero la guuro a tendaa zaa noba yelsoobo sobie.

Ka a da sengɛɛ la ka to-ne-to nɔmmo yele a tendaa za.

Ka a noba nang be a Tendaa Langne poɔ lee maaleng nyɔgɛɛ ba yeldeebo a a yelmanne binne nga nang guuro a tendaa zaa yelsoobo sobie poɔ, ka dɔɔ ane pɔge nang ba gang taa song ka nengsaala maaloo ane o mengesoobo yele gere ninge a tenga zu.

A tenne na zaa nang be a Tendaa Langne nga poɔ eng la noore ka bana ane a Tendaa Langne na nye a tendaa zaa nongtaa, a engne a Tendaa zaa yelsoobo ane mengesoobo sobie.

Ka ka nee zaa bang ka a yelsoobo sobie ama ane a nensaala mengɛ soobo la yelkpong nang be a noore nga emmo poɔ.

Pampanga a Le Zueng,

A TENDAA LANGNE NOBA LANG TAA

moolo la:

ka a TENDAA ZA YELESOOBO SOBIE waa la bone noba zaa ane tenne zaa nang na moɔ nimir k'a nye eebo. A lezueng nee zaa, bee nengsaaba langne zaa na taa la a yele ama teerong tegtegle a ere anee ba wuluu poɔ ane ba zanno poɔ a e k'a yelsoobo sobie ane a noba mennesoobo yele duoro saa kye ere beele beele tenga zaa poɔ a na e k'a tendaa zaa bang kye tuuro a yele ama. Tenne na zaa nang be a lammo nga ane noba na zaa nang kpeere a tenne na poɔ, a lang ne a noba banang zaa nang be tenne na zaa ba nang di naalong a zu.

Dore 1

Nengsaala zaa ba nang dɔge so la o menga, ka o ne o taaba zaa sengtaa noba emmo ane yelsoobo sobie poɔ. Ba dɔgɛɛ ba zaa ne yeng ane yele-iruu k'a da seng ka ba ere yele koro taa a nga yɔɔmine.

Dore 2

Neezaa soobo la a Tendaa zaa yelsoobo sobie ama nang be a gane poɔ; a ba wullo ka nee nga waa ngaa ne ngaa; a nga balong, bee o engɛ waalong, k'o waa la pɔge bee dɔɔ, o kɔkɔyela, puoru na o nang puoro, o teerong nang are le a tenga maalo yele poɔ, o tengyiraa ane o aroozie a tenga poɔ, boma o nang taa, o dɔgebo zie bee o arezie.

A la waana le puoreng, gyegru kyebe ane nee teerong nang wuli o ka o tuuro a tenga maalo

yɛlɛ lɛ, bee bone na naalong ba nang dire a tenga na poɔ a neɛ na nang yi, ka a tenga na so la o mɛngɛ bee ka o be la tenga kang nuureng, bee ka o nang ba so o mɛngɛ, be ka yɛlɛ mine bebe la a pɔgrɔ o mɛngesoobo sobiri.

Dorɛ 3

Neɛzaa taa la sori ka o taa nyɔvore, ka bone zaa ta ngmaara o sobiri o yellerre poɔ, ka tuo ta be o zie.

Dorɛ 4

Neɛzaa ba taa sori a taa o tɔsoba ka o waa o gbangbaa bee ka o tonɔ gbangba-toma. A ferɛɛ la kaa gbangbaalong ane nengsaaba koɔro ta bebe togtog yelizaa poɔ.

Dorɛ 5

Neɛzaa ba seng ne engɛ dɔgrong nang gang, bee potuyɛlɛ, bee dɔgrong zaa nang ba seng ne nengsaala.

Dorɛ 6

Ka neɛng be zie zaa a ferɛɛ la ka a tenga na deme de o k'o waa nengsaala a lɔɔ poɔ.

Dorɛ 7

Lɔɔ ninge poɔ noba zaang sengtaa k'a fere ka a lɔɔ kaara ba zaa zu ka gyegru kyebe. A yɛlɛ ama moɔloo poɔ kyiirung la ka gyegru bebe neɛ zaa zie, bee ka neɛ dɔre ka ba gyegri neɛ.

Dorɛ 8

Ka neɛ zaang taa yeli a gaane a sɛrɛɛ diibo zie, a ferɛɛ la ka a tenga na sɛredirebe a di a sɛrɛɛ velaa ka a yelmɛngɛ gaa a neɛ na deme nang kpɛ zie a seng lɛ a tenga lɔɔ nang manne bing.

Dorɛ 9

Neɛzaa ba seng ne ka ba deɛ bone nyɔgoo gaa te page kyɛ ba di a sɛrɛɛ, bee ka ba diguu bare ka o yi gaa teng-yuo a te kpɛrɛɛ.

Dorɛ 10

Neɛzaa nang sãã yeli, a ferɛɛ la ka a tenga na sɛredirebe di o sɛrɛɛ neng-yaga poɔ ka nɔnne boore kyebe a sɛrɛɛ nga ba nang dire a na nye bone na yeli o nang sãã poɔ.

Dorɛ 11

Neɛzaa ba nang nyɔge yeli kang poɔ a na di o sɛrɛɛ ko na pɔge nyɛ dɔgrong a poɔ, a ferɛɛ la ka a sɛredirebe de ka o ba sãã yeli, a ta lɛ sang ba nang di o sɛrɛɛ yeng poɔ a te nyɛ bang ka o sãã la yeli. A o sɛrɛɛ diibo na meng poɔ a ferɛɛ la ka ba k'o sori ka o bone na zaa nang na toɔ song o ka o yeli faa o mɛngɛ.

Ba kong toɔ nyɔge neɛ zaa nang sãã yeli nang taa dɔgrong; yeli o nang e, bee o nang nage o vuo na poɔ, a yeli na o nang e, bee o nang nage nang da ba waa yelsããna nang boɔrɔ dɔgrong a lɛ sang onang da e a yeli bale, bee ka ba ko o dɔgrong nang waa tuo gang a dɔgrong na nang da bebe ka ba da ko o a lɛ sang o nang sãã a yeli bala.

Dore 12

Neɛzaa ba taa sori a bonno kpeere o to yele poɔ, bee o die yele poɔ, bee o yiri yele, bee o gama yele, bee ka o sãã o to yosong ane o eveele. A fere la ka a loo guuro nee zaa a doone ama taaba poɔ.

Dore 13

Neɛzaa taa sori ka o yooro gere benee zaa o nang booro, bee ka o kpeere benee zaa o nang booro a tenga toribogri poɔ.

Neɛzaa taa sori ka o yi tenga kang zaa poɔ, bee o mengɛ tenga poɔ a kye lee wa a o tenga poɔ.

Dore 14

Neɛzaa taa sori ka o yi tenga na poɔ ba nang booro o dogroo, bee o koobo a gaa tenne mine a na te nye popeelong.

A sobiri nga kyebe nee nang sãã yeli yelmengɛ ka ba booro o ka ba di o sere ka a yele na o nang sãã ba e votu yele bee yele nang ba tu a Tendaa Langkpong yele sobie ba nang manne bing le.

Dore 15

Neɛzaa taa sori a na waa enga kang paalong nee.

Neɛzaa ba taa sori a na yeli ka neekang ta be o tenga poɔ, bee ka o ta yi o tenga a gaa te kpeere teng-yuo.

Dore 16

Neɛzaa nang ta doo, bee poge, bale zaa poɔ, tenga zaa poɔ, puoru zaa poɔ, taa sori a na de poge, bee kuli sere a dogroo bibiiri. Ba zaang na sengtaa a ba kultaa yele poɔ a ta le sang ba kultaa nang baare.

Neɛzaa ba taa sori a fere noba ka ba kultaa; banang nang kulo taa yong na pele poore a sage ka ba kultaa.

Doo ane o poge ane o bibiiri waa seng bombiri a tenga noba zie ka a fere ka a tenga noba ane a tenga nembere kaara ba zu.

Dore 17

Neɛzaa taa sori a na so boma o yong, bee ka o ne noba mine lang so boma.

Neɛzaa taa sori faa nee boma o nang so.

Dore 18

Neɛzaa taa a sori na teere yele a seng o nang booro le, a tuuro o yeng wuluu, a puoro puoru na zaa o nang booro; o la taa la a sori meng a na leere o puoru ane o teerong; o na to e la le o yong, bee a lang ne noba yeng poɔ, bee o yong zie. O la taa sori meng a na e ka o puoru yele sãã noba zie. O taa sori na wullo noba a o puoru yele. O taa sori tuuro a o puoru nga sobie zaa a seng le o nang booro.

Dore 19

Neɛzaa taa sori ka o teere ka yeli kang waa ngaa bee o ba waa. O taa sori meng na yeli a yeli na yeɛ. O la taa la a sori meng ka o teere ka yeɛ mine waa ngaa, kye ka nee zaa ta fere o a o teerong na poɔ. O taa sori meng ka o bo a kye nye yelpaaba nang yire zie zaa waana, ka a gangnee toribogri bee ka a ba gangna o taa la a sori.

Dore 20

Neɛzaa taa la a sori ka o poɔ noba nang langtaa ane teerong velaa. O la taa la sori ka o kpe langne zaa.

Nee kontoɔ fere neɛzaa ka o kpe langne kang poɔ.

Dore 21

Neɛzaa taa sori k'o poɔ a tenga gobenente yeɛ poɔ o mengɛ bee ka o poɔ iri noba ka ba lee o zu.

Neɛzaa taa sori ka a tenga poɔ bone na zaa nang bebe ka ba de sonno ne a noba ba yeli zaa poɔ k'a tara o meng.

A gobenente fang a tenga poɔ na yi la tenga noba booro zie. A sobiri na a noba nang na mang tu ka ama nye eebo la ka ba manne bing ka ka vuo kang poɔ k'a noba mang taa neng-iri ka finnuu kyebe a neng-iri nga poɔ; k'a banang zaa nang ta noba a taa sori na iri a noba nang na lee ba zu a tenga gobenente poɔ. A neng-iri sang nee zaa ba taa sori na nye o tosoa nang booro k'o iri nee na.

Dore 22

Neɛzaa waa la a tenga zu noba nee. A fere la ka o tenga kaara o zu; o la taa la sori meng ka o nyere a o tenga tonɔ ka a song o ka o nyere emmo a seng nengsaala; ka o enge ane o yeng yeɛ meng kyene velaa.

Dore 23

Neɛzaa ta sori ka o taa toma tonɔ. O taa sori meng ka o iri toma na o dang booro. Sori bebe meng la, ka ka o toma zie ane o toma zie yeɛ veɛ. Sori bebe meng la ka o taa toma tonɔ a ta yoro wee le.

Neɛzaa, ka gyegru kyebe taa sori ka o nyere san-yoo a seng banang zaa meng nang tonɔ a tong-bale.

Neɛzaa nang tonɔ toma taa sori a naa nyere a yore ka a seng o ne o poge ane o bibiiri; ka a seng ba ka ba na toɔ nye bone na zaa a nang fere nengsaala ka o taa waa nengsaala.

Neɛzaa taa sori ka o piili tontonema langne. O la taa l'a sori ka o kpe tontonema langne nang na song ka o guuro o toma.

Dore 24

Neɛzaa taa sori ka o nye penno kye ka o pennoo sang ka o taa sori a ere le o poɔ nang pelle. O la taa sori ka ka o ta tong toma a te gang gammo kang. O taa sori meng na nyere pennoo bebie a o toma zie kye nang nyere san-yoo a pennoo bebie na poɔ.

Dore 25

A fere la k'a tenga nye ka benee doo ane o poge ane o bibiiri nang kpeere seng ne ba eng-maarong nang booro le, ka ba nyere bondiri ane bonsuuri, ka ba kpebo zie ane ba

laafee yele veele. Ba taa l'a sori meng ka sang kang wa ta ka ba ba la taa san-yoo toma, bee ka ba beere, bee ka yeli kang e ka o kong la toñ tong toma bee ka o serɛ, bee ka poɛge kpi kye kyere o yong, bee ka o kore zuo a kong la toñ tong toma, bee ka yeli kang e ka o dee kong la toñ bo bondiraa o mengɛ, a ferɛ la ka a tenga na o nang be kaara o zu.

Bimamine ane bibiiri nang nang baara, a sengɛ la ka ba kaara ba zu kye sonno ba. Bibiiri zaa, ka ba ma ne ba saa de la taa kye dɔge ba bee ka baba de taa kye dɔge ba meng na nyere la a sommo nga bale.

Dore 26

Neenza taa sori ka o bang gane. A gane zanno piilu sang a da seng ka yooɛre kyebe. A ferɛ la ka neenza zanne gane belaa a ta taabo kang. A da ba seng ka neenza wong tuo kye nyɛ nuuri-toma zanno, bee gama-toma zanno. A da sengɛ la ka banang nang na toñ meng ta wong tuo kye nyɛ zanno nang do yaga.

A da sengɛ la ka gane zanno kyaara nensaala mengɛmaalo yele a kye sonno nensaala mengesoobo sobie yele a kye sonno yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyɔge taa baalong a kye e ka a Tendaa Langkpong yele kyene ka maarong be a tenga zu.

Saamine ane mamine taa a sori a na de weñ dang iri benee ba nang booro ka ba bibiiri gaa zanne gane.

Dore 27

Neenza taa sori ka o poɔ a tenga tengkoñ yele poɔ a meng wong a noba nuuri-toma noñ, kye nyere toño nensaala yeng nang song o ka o maale, bee ka o e ka bone na zaa waana ne noñ bee toño.

Neenza nang de o nuuri, bee o zu a tong ne toma ka a yire toño mine, a ferɛ la ka a tenga ta veng ka neenza finne o a toma na poɔ.

Dore 28

A da sengɛ la ka a yele ama ba nang manne bing a kye a nyɛ eebo, ka benee zaa tenga zu kye neɛ nang kpeere na toñ so o mengɛ kye kpeere ne popeelong.

Dore 29

Neenza taa la fero toma o taaba zie benee o nang kpeere. A leng na song ka o mengɛ nyɛ maalo.

Neenza nang so o mengɛ, a wonno o mengesoobo noñ, yeli zaa ba kyebe a na pigi a o mengesoobo nga sori see ka tenga nang manne bing le naane, a loo na meng na waa la loo nang na veng ka nensaala nyɛ emmo kye so o mengɛ, a sonno ka nensaaba ere eveele, a e ka marong be noba nang lang kpeere zie kye ere ka noba zaa kpeere velaa ba tenga poɔ, ka ba meng taa noore a ba tenga maalo yele poɔ.

Neenza ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing le.

Dore 30

Tenga zaa bee langne zaa bee neng-yeni zaa ba taa sori a willi a yele ama ba nang manne bing a kye; ka a waa seng nga a yele nga ko ba la sobiri ka ba tong tone zaa bee yeli

zaa nang waana ne nensaala mengasoobo ane o yelisoore no[~] wommo ba nang manne bing a
kye sããbaro.